



## REGULAMENTO

### 1. ORGANIZACIÓN

O Servizo de Deportes do Concello do Porriño coa colaboración da Federación Galega de Atletismo e o Club Atletismo Porriño organizan o sábado, 08 de xaneiro de 2022 a “Carreira Nocturna de Reis”.

### 2. PARTICIPANTES

Poderán participar todas aquelas persoas maiores de 10 anos (o día da proba) que o desexen, sempre que estean inscritas nos prazos e formas establecidos ao efecto pola organización.

### 3. INSCRICIÓNS

As inscricións realizaranse a través de <https://www.carreirasgalegas.com/> entre o 22 de decembro de 2021 , e o 3 de xaneiro de 2022, ás 15:00h.

Cota de de inscrición:

Gratuíto.

### 4. DECLARACIÓN RESPONSABLE

O feito de inscribirse nesta carreira supón unha declaración responsable por parte do/a atleta dos datos que aporta.



Concello do Porriño

# O Porriño

## O Concello do Deporte



No momento de formalizar a inscrición, os participantes estarán declarando a súa responsabilidade sobre os seguintes termos:

- ✓ Que antes de saír cara a actividade deportiva teño realizado o auto test do SERGAS, non manifestando ningún síntoma de COVID-19 (febre, tose, ou falta de alento).
- ✓ Que teño lido, entendido, aceptado e me comprometo a cumprir o protocolo de prevención COVID-19 desta proba, colaborando en todo o posible coa organización.
- ✓ Que teño lido, entendido, aceptado e me comprometo a cumprir o Regulamento desta proba, colaborando en todo o posible coa organización.
- ✓ Que cumpro os requisitos de admisión establecidos no documento Protocolo COVID obriga de información e consentimento informado, non sendo grupo de risco.
- ✓ Que non convivo con ninguén que sexa grupo de risco, ou que no caso de que así sexa, participa na actividade baixo a súa propia responsabilidade.
- ✓ Que son consciente dos riscos que implica a participación na actividade no contexto da crise sanitaria provocada pola COVID-19, e que asumo baixo a miña propia responsabilidade.

Esta declaración responsable fará referencia ao mesmo día da proba. Polo que, no caso de non poder cumprir algún dos ítems anteriores, o/a atleta non tomará parte na carreira.

Aqueles participantes e acompañantes que veñan de fóra de Galicia e/ou estiveran nos últimos catorce días en territorios de alta incidencia epidemiolóxica COVID, inescusablemente deberán comunicarllo de forma veraz ao Servizo Galego de Saúde a través de <https://www.sergas.es/Saude-publica/benvinda-viaxeirxs> no que ademais se especifican cales son estas zonas. Esta comunicación deberá ser completada por cada un dos viaxeiros/as, que serán responsables de que a información subministrada sexa veraz e precisa. En caso de menores de idade, persoas dependentes ou incapacitadas, a declaración será cuberta polo seu titor, que se fará responsable da veracidade da información subministrada.

### 5. ENTREGA DE DORSAIS E CHIPS

Os dorsais e chips serán entregados no Centro Polideportivo Municipal do Porriño (Rúa Doantes de Sangue, 2, 36400 O Porriño, Pontevedra ), o día 07 de xaneiro de 2022 de 08:00 a 15:00h, e o 08 de xaneiro de 17:00 a 18:15h.



Concello do Porriño

# O Porriño

## O Concello do Deporte



Para retirar o dorsal cada participante deberá amosar o certificado de vacinación COVID ou a aportación do certificado da realización dun test de antíxenos ou PCR negativo cunha antelación máxima de 72 h. á celebración da proba ou ben a aportación de certificado médico conforme se superou a infección por COVID-19 nun período comprendido entre os 11 e os 180 días anteriores a celebración da proba.

Os/as deportistas terán que portar obrigatoriamente o dorsal no peito en todo momento, sen dobrar nin ocultar, ben visible.

### 6. SAÍDA – HORARIO

A Saída e Meta estarán situadas no centro Polideportivo Municipal.

A zona de Saída e Meta haberá que acceder con máscara.

Realizaranse saídas de ata 300 atletas simultaneamente. Os/as atletas deberán permanecer na zona de saída coa máscara e deberan saír correndo coa máscara posta, podéndoa retirar transcorridos os suficientes metros que garantan a distancia de seguridade.

A máscara poderá ser gardada polo atleta que a poderá portar durante a carreira, poderá correr con ela se así o desexa ou poderá ser quitada e tirada nos contedores.

Realizaranse tantas quendas como a organización estime cumprindo coas medidas de seguridade e control establecidas.

A saída da primeira quenda terá lugar ás 19:00 h.

A cadencia entre as diferentes quendas será de 1 minuto.

### 7. PERCORRIDO

O percorrido transcorrerá por un circuíto de 3 Km.

Cruce Doantes de Sangue/Antonio palacios - Rúa Antonio Palacios – Fonte dos Aloques – Avenida de Galiza (dirección Vigo)- Avenida de Galiza (dirección Tui)- Rúa Domingo Bueno – Parque Infantil - Rúa Salgueira - Rúa Cruceiro - Rúa O Pinar - Rúa Doutor Paz Varela - Rúa Fernández Areal- Rúa Doantes de Sangue.

O organizador poderá modificar o percorrido por motivos de seguridade ou por causa de forza maior.



Concello do Porriño

# O Porriño

## O Concello do Deporte



### 8. XULGAMENTO DA COMPETICIÓN

A proba forma parte do calendario oficial da Federación Galega de Atletismo polo que estará cronometrada e controlada polo Comité Galego de Xuíces da FGA.

### 9. DESCUALIFICACIÓNS

Serán motivos de descualificación, entre outros, os seguintes aspectos: non realizar todo o circuíto da carreira, non levar dorsal – chip visible por diante ou manipulalo, falsificar datos persoais e a suplantación de identidade.

Os servizos médicos, o xuíz árbitro da competición e o persoal da organización, están facultados para retirar xustificadamente da carreira a calquera atleta que manifeste un mal estado físico evidente.

Todo/a aquel/a atleta descualificado/a recibirá unha máscara e deberá retirar o seu dorsal e abandonar o circuíto inmediatamente.

O tempo máximo para completar a proba é de 30 minutos.

### 10. RECLAMACIÓNS

As reclamacións deberán ser feitas verbalmente ao xuíz árbitro, non máis tarde de 30 minutos despois de comunicarse oficialmente os resultados.

### 11. SERVIZOS MÉDICOS E SEGUROS

Haberá servizo de ambulancia e médico para a atención.

Todas as persoas participantes estarán cubertas cunha póliza de Seguro de Responsabilidade Civil e dun Seguro de Accidentes.

É imprescindible estar inscrito/a para ter cobertura dos seguros de RC e de accidentes, que atenderá aos sinistros que se produzan como consecuencia directa do desenvolvemento da proba. Quedan excluídos os casos derivados dun padecemento latente, imprudencia ou inobservancia das leis, da normativa da competición, etc. Tamén quedan excluídos os casos producidos polo desprazamento ao lugar da competición ou desde este á orixe.



Concello do Porriño

# O Porriño

## O Concello do Deporte



### 12. PREMIOS

#### 12.1 Premio Carreira Absoluta

- ✓ Premio para as 3 primeiras mulleres e os 3 primeiros homes da carreira absoluta.
- ✓ Premio para a primeira e o primeiro clasificada/o en categoría Alevín.
- ✓ Premio para a primeira e o primeiro clasificada/o en categoría Infantil.
- ✓ Premio para a primeira e o primeiro clasificada/o en categoría Cadete.
- ✓ Premio para a primeira e o primeiro clasificada/o en categoría Xuvenil.

#### 12.2 Premio mellor disfrace.

Premio para o mellor disfrace individual.

Para optar ao premio de mellor disfrace individual deberá completar a carreira.

O premio para mellor disfrace, individual e de grupo, non virá determinado polo posto na carreira, será concedido por un xurado designado pola organización, e a súa decisión será inapelable.

### 13. NORMATIVA

Para todo o non disposto neste regulamento aplicarase a normativa FGA e, de ser preciso, a normativa RFEA e WA.

### 14. LOPD

Todos/as os/as corredores/as ao realizar a inscrición:

- Ceden os seus dereitos de imaxe á organización e aceptan a publicación do seu nome e imaxe nas clasificacións, medios de comunicación e/ou internet de acordo coa Lei de Protección de Datos.
- Consentan expresamente que a compañía xestora do seguro de accidentes ceda os seus datos para a tramitación ante a compañía de seguros, dos seguros obrigatorios de accidentes e Responsabilidade Civil. En todo caso e tal como establece a Lei de Protección de Datos, o/a interesado/a pode exercer no futuro os seus dereitos de acceso, rectificación, cancelación e oposición mediante escrito ou correo electrónico á Federación Galega de Atletismo. Avenida de Glasgow, 13 - 15008 A Coruña.